


許  
衡  
集



理學叢書


下

〔元〕許衡撰  
許紅霞點校

中華書局



ISBN 978-7-101-13691-3



9 787101 136913 >

定價：78.00元（全二冊）

理學叢書

許  
衡  
集

下

〔元〕許衡 撰  
許紅霞 點校

中  
華  
書  
局

# 許文正公遺書卷八

雜著

## 子玉請復曹衛論〔一〕

論君子者必以德，論小人者必以詐。以德度德，則君子之優劣見焉。以詐較詐〔三〕，則小人之勝負分焉。德也，詐也，雖有善惡之殊，然各就其中間論之，則未始不以深造者爲得也。爲君子者而不至於善之長，爲小人而不至於姦之雄，則未見有以過人者。蓋嘗於晉楚爭霸之際觀之〔三〕，楚之得臣，不自料其詐力之所造，與文公君臣孰淺孰深，遽

〔一〕「論」，中州本、倪本、高傑本、蕭本、嘉靖本、正誼堂本在「子」上。萬曆本無「論」字。

〔二〕「較」，嘉靖本、正誼堂本作「挾」。

〔三〕「嘗」，高傑本、蕭本、嘉靖本、萬曆本作「常」。

使伯棼請戰於楚子，告於晉師，請復衛侯而封曹。徒欲急間讒慝，勇於立功，而不知區區小數，已墮文公之譎矣。以詐力之淺者角夫詐力之深者，是猶以瑕而攻堅，以弱而制強，吾未見乎其可也。城濮之師，其所以潰亂而莫能支者，是果誰之咎耶？子玉請復曹、衛，愚請數其失而論之。

自周襄以來〔一〕，世以詐力相高。然其詐力之所以高者，亦皆有過人之才焉。識慮淺而不險者，不足以爲詐，故伯比之間隨也，遺其禍於數年之後；喜怒輕而量不弘者〔二〕，不足以爲詐，故勾踐之滅吳也，忍其心於屢請之時。今得臣既昏且蔽，又躁而急，迺欲擁西廣、東宮與若敖六卒，以挫堂堂之晉，宜乎其敗也。彼文公君臣巧譎萬變，自古爲詐之人未有出其右者。且明分曹、衛之田以賜宋者，非厚於宋也，激齊、秦之怒也。私許曹、衛之復，使絕於楚者，非愛曹、衛也，致楚之戰也〔三〕。至於退三舍而言愈恭者，用以驕敵，用以報德也，用以感諸侯之心，用以作三軍之忿。而得臣於此，豈惟不知多方以誤

〔一〕「襄」，中州本作「衰」。

〔二〕「量」，原無，據中州本、倪本、高傑本、嘉靖本、正誼堂本補。

〔三〕中州本「楚」下有「師」字。

彼〔一〕，又且甘投陷穽以致欺於人〔三〕。噫！詐力之淺者見挫於詐力之深者，亦不足重煩吾儒之議。然於楚子怒得臣之際，愚獨有矜焉。

自楚之竊據東南也，憑陵華夏，號召諸侯，其威聲氣焰〔三〕，讐動當世〔四〕，亦可謂甚強矣。然楚子既命無從晉師，而得臣不忍私忿，固請一戰，楚子雖怒其不可，而竟不能止。孰謂以跋扈之君，反不能下制一臣。吁！可怪也。三綱倒置，人倫不明，國雖強大，而君子以爲寒心。城濮之戰，萬不可勝，政使偶而或勝，則得臣他日恃功專恣之禍，必有甚於喪師之慘矣。世之詆霸者，猶以尚功利爲言，殊不知霸者之所爲橫斜曲直，莫非禍端。先儒謂：「王道之外無坦途，舉皆荆棘；仁義之外無功利，舉皆禍殃。彼詆伯者以功利，何其僭譽之深耶！」〔五〕斯言其至矣。

〔一〕「惟」，蕭本、嘉靖本、萬曆本、正誼堂本作「非」。

〔二〕「欺」，中州本、倪本、高傑本、嘉靖本、正誼堂本作「敵」。

〔三〕「威聲」，中州本、倪本作「聲威」。

〔四〕「讐」，中州本、正誼堂本作「讐」，倪本、高傑本作「攝」。

〔五〕語出宋呂祖謙呂東萊先生左氏博議卷六，「伯者以功利」作「霸以功利者」，「僭」作「借」。

### 辯說

辯，欲其信也。辯而後信，未若不辯而信。辯而不信，尤未若不辯之爲愈也。辯之要在於自克。自克則喻，喻則無事於辯矣。偶或未喻〔一〕，則盡其心，善其說，以懇道之。猶或未喻，不强也。幸而開悟，則歸美而加敬焉。晦其迹，使人不知其出於己也，此辯之善也。雖然，辯出於不得已。得己而不肯自己者，是易言也。易言則難信，難信則人亦不信。病其不信也，力辯之，辯之愈力而愈不信。較勝不已，至於忿爭，敵日益多，力日益困，至其敗也，猶悔辯之不至。此豈辯之不至，辯之已甚也。吾竊嘆憫，思有以告之，未識其果信否也。既而悔之，以楔出楔，以酒投酒，是亦得己而不肯己者。五十步百步，又奚辯焉？姑記其說，時用自省。

### 高凝字說

高生講冠禮，予忝預焉。既字之，且求所以命生之意〔二〕，因爲說以告曰：「世變以

〔一〕「喻」，中州本、倪本、高傑本、嘉靖本、正誼堂本作「曉」。下文「猶或未喻」之「喻」同此。

〔二〕「生」，中州本作「字」。

降，波蕩風靡，而天下日趨於薄。昔者聖人蓋憂之，故其垂世立言，莫非敦本抑末，以謹厚篤實爲勸。蓋天下之善，必原於謹厚篤實；天下之惡，必始於浮躁淺露。此尊君命生之名，取於鼎象之意歟。」〔又本改云〕去古既遠，天下之俗日趨於薄，風靡波蕩，一往而不可復。其間能以古道自重，卓然不爲流俗所移，其亦賢乎！況又益資學問之力以進乎道，則厚也不爲徒厚（一），其正也不爲徒正。體用具行，而於出處窮達，無施而不當，其亦賢乎！尊君以古自立，而又以古道教生，其命生之名，取易卦鼎象「凝」命之。凝，欲生之以厚自成也，以正自守也，猶鼎之峙焉。雖然，此體也，未適乎用。欲生之博文約禮，日篤於人道之常，猶鼎之享帝養人之用，不爲法器而已也。夫父子、君臣者，天之命也，人之道也（二）。文不全。

### 王生名字說

王氏子昔嘗從予遊，曾未閱歲，迺遷居燕，然於今蓋十數年矣（三），頃來復過吾門，

〔一〕寬文本「則」字下有「其」字。

〔二〕注文自「尊君以古自立」至「人之道也」，中州本置於「去古既遠」前，且非注文。

〔三〕「十」，倪本、高傑本、嘉靖本作「八」。



狀貌加偉，而其禮節恭謹，無異平昔〔一〕。予嘉其處心近厚也，思有以教之，因其求更前名，遂爲說以命之。夫「有禮則安，無禮則危」〔二〕，君子所以終身守之者〔三〕，誠知大中至正，極不可去也。薄俗昏愚，鮮克由禮。昔爲師友，今爲路人，滔滔者皆是也。之子從學未久，而獨能眷眷於相從之舊，非本心之明有以自守，其何以能之？謹訓其名曰「遵禮」，字之曰「安卿」。誠能因其所知，擴其所未知，因其所已能，而推其所未能，則他日脩身事親之際，將不止如今日之王生也。

### 留別譚彥清序

譚君彥清，辭氣溫雅，自始識，竊有慕焉。既又見讀吾聖人書，雖館傳暮夜，手不暫釋，益使人嘆仰。又接其論議〔四〕，則尚慕古人，以敦本抑末實學爲己任。雍容樂易，大有以畏服人者。方將鞭策駑蹇，私擬竊效，未能也。將別，再三求言，正所謂「借聽於

〔一〕「昔」，中州本、倪本作「時」。

〔二〕語出禮記曲禮上。

〔三〕「所」，中州本作「有」。

〔四〕中州本「又」上有「既」字。

聾，假道於盲」(一)，其不可也，又奚疑？雖然，盛意不可虛辱，將以私擬竊效者告焉，可邪，否邪？請之勤而後言，其或亦可少恕耶。夫人患不博古，而博古者或滯於形迹，而不可用於時。人患不知今，而知今者或徇於苟簡，而有害乎道。二者皆非善學也(二)。惟學古適用，隨時中理，其庶幾乎！君之尚慕古人，有爲於時。既能是矣，能是而又言之，不幾於贅乎？蓋將堅其所已至，而期其所未至，故云云(三)。

### 吳氏傷寒辨疑論序

先朝國醫吳敏脩，著傷寒辨疑論，實得仲景傷寒之要。先生猶子璋，亂後獨有其書。頃嘗幸得而詳讀之，概見先生醫學之妙(四)。嘗謂醫方有仲景，猶儒書有六經也。必有見於此，然後可與議醫。然其文古，其義隱，學者讀之，茫然不可涯涘(五)。今是書辨析疑

〔一〕見唐韓愈答陳生書，宋魏仲舉編五百家注昌黎文集卷十六，「假」作「求」。

〔二〕「皆非善學」，中州本、倪本、高傑本、蕭本、嘉靖本、萬曆本作「雖有皆未」。

〔三〕中州本、倪本、高傑本、蕭本、萬曆本、正誼堂本「云云」下皆有注文引「又一本云」，文稍異。

〔四〕中州本「學」下有「所造」二字。

〔五〕「然」，中州本作「乎」。

欢迎访问：电子书学习和下载网站 (<https://www.shgis.com>)

文档名称：《理学丛书039许衡集（下）》（元）许衡 撰，许红霞 点校.pdf

请登录 <https://shgis.com/post/3036.html> 下载完整文档。

手机端请扫码查看：

